



# ՊԱՏԻՎ ՈՒՆԵՄ



ՀԻՄՆԱՎՈՐ ԳԻՏԵԼԻՔՈՎ ԴԵՊԻ ԱՐԺԱՆԱՊԱՏԻՎ ԾԱՌԱՅՈՒԹՅՈՒՆ Թիվ 3(28), 30 ապրիլ, 2020թ.

ՀՀ ՈՍՏԻԿԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

## ՈՍՏԻԿԱՆՈՒԹՅԱՆ 102-ՐԴ ՏԱՐԵԴԱՐՁԸ



Ապրիլի 16-ը Հայաստանի Հանրապետության ոստիկանության օրն է:

Տոնի կապակցությամբ վարչապետ Նիկոլ Փաշինյանը Կառավարության նիստում շնորհավորեց ոստիկանության ծառայողներին:

Կառավարության անդամները մեկ րոպե լռությամբ հարգեցին ծառայողական պարտականությունները կատարելիս զոհված ոստիկանների հիշատակը:

Նույն օրը ոստիկանության պետն ու կոլեգիայի անդամները ծաղիկներ խոնարհեցին Հայաստանի Առաջին հանրապետության ներքին գործերի առաջին նախարար Արամ Մանուկյանի կիսանդրուն և Իրավակարգի զինվորի հուշարձանին:

Ոստիկանության օրվա առթիվ նախագահ Արմեն Սարգսյանը տեսակապով ողջունեց և շնորհավորեց ոստիկանության ղեկավարությանն ու կոլեգիայի անդամներին:

Ոստիկանության պետ Արման Սարգսյանը շնորհակալություն հայտնեց հանրապետության Նախագահին՝ ջերմ խոսքերի համար, և

հավաստիացրեց, որ ոստիկանության ղեկավարությունն անուճ է ամեն ինչ՝ ավելի ուժեղ ու կայացած կառույց դառնալու համար:

Ոստիկանությունում տեղի ունեցավ նաև պարզևատրման հանդիսավոր արարողություն:

Ոստիկանության պետ Արման Սարգսյանը, ողջունելով ներկաներին, շնորհավորեց Ոստիկանության օրվա կապակցությամբ: Նա նշեց, որ ոստիկանությունը բազմաֆունկցիոնալ կառույց է, և առանձնահատուկ շնորհակալություն հայտնեց ոստիկանության օպերատիվ ու արտաքին ծառայությունների աշխատակիցներին, ոստիկանության զորքերին, քաղաքացիներին ծառայություն մատուցող բոլոր ստորաբաժանումների ծառայողներին, օժանդակող վարչությունների աշխատակիցներին:

Արման Սարգսյանը շեշտեց, որ արտակարգ դրության պայմաններում հատկապես ոստիկանության կրտսեր ու միջին խմբի ծառայողները և բժիշկներն են կանգնած համավարակի դեմ պայքարի առաջնագծում:

## ՄԵՐ ՉՍՊԻԱՅՈՂ ՎԵՐՔԸ

Ամփստելի փաստ է, որ, սկսած 1915թ. ապրիլի 24-ից թուրքական (Օսմանյան) կառավարության կողմից պետական մակարդակով իրականացվել է հայ ժողովրդի զանգվածային բնաջնջում և կոտորած իր իսկ հայրենիքում:

Թուրքական կառավարության իրականացրած Հայոց ցեղասպանության փաստը հիմնավորվել, ճանաչվել ու հաստատվել է ականատեսների վկայություններով, օրենքներով, բանաձևերով և բազմաթիվ նահանգների ու միջազգային հեղինակավոր կազմակերպությունների որոշումներով:

Ամեն ցեղասպանություն իր յուրահատկությունն ունի: Հայոց ցեղասպանությունն առանձնանում է դրան առնչվող ճշմարտությունները թաքցնելու և պատմականությունը հերքելու երկարատև ջանքերով: Հայոց ցեղասպանության հերքումն այդ ծրագրի անբաժան մասն է կազմել: Սեփական հայ-

րենիքից հայ ժողովրդի արտաքսումը դեպի Սիրիայի անապատներ, նրանց ոչնչացումը կամ ճանապարհին, կամ վերջնական հանգրվաններում իրականացվել է հայերին վերաբնակեցնելու որոշման քողի տակ: Ամբողջ գործընթացը, ըստ էության, կազմակերպվել ու իրականացվել է՝ ջանալով վերաբնակեցումը ներկայացնել որպես իրողություն:

Թեև երեք տասնյակից ավել երկրներ և միջազգային կազմակերպություններ արդեն բարձր մակարդակով ճանաչել են Հայոց ցեղասպանությունը որպես պատմական իրողություն, սակայն Թուրքիայի Հանրապետության ներկայիս ղեկավարությունը շարունակում է նույն ժխտողական քաղաքականությունը և երբեմն փորձում փաստել Առաջին համաշխարհային պատերազմի իրողությունները, նույնիսկ՝ հայերի հարձակումը թուրքերի վրա և այլն: ▶ 2

## ՀՀ ՈՍՏԻԿԱՆՈՒԹՅԱՆ ԿՐԹԱՅԱՍԱԼԻՐԻ ՊԵՏԻ ՈՒՂԵՐՁԸ

Հարգելի՛ գործընկերներ, վետերաններ, սիրելի՛ սովորողներ



ՀՀ ոստիկանության կրթահամալիրի ղեկավարության և իմ անունից շնորհավորում եմ մեր մասնագիտական տոնի՝ Ոստիկանության օրվա առթիվ: Ոստիկանության առաքելությունն արժանապատիվ ծառայությունն է մարդուն, քաղաքացուն, ժողովրդին, հասարակությանը և հայրենիքին: Մեր կոչումն անձնագրի, անզիջում պայքարն է հայ շինարար մարդու վաստակը սովորող ամեն տեսակի իրավախախտումների և հանցավորության դեմ, մեր երդումը՝ անխախտ, մեր բազուկը՝ պինդ, միտքը՝ պայծառ, մեր սիրտն անաչառ է առօրյա կյանքում, ուսման, գիտական հետազոտությունների ընթացքում և ծառայողական պարտականությունները կատարելիս: Հայ ոստիկանն արդեն 102 տարի պատվով է կատարում իր պարտքը, հաճախ՝ առողջության և կյանքի գնով: Սիրելի՛ սովորողներ, ձեզ բախտ է վիճակվել դառնալու նոր Հայաստանի, ժողովրդի մասը կազմող ոստիկանության անբասիր ծառայողներ, մենք ժառանգն ենք խիզախումներով, նաև կորուստներով լի պատմության, և այսօր, անցյալի լավագույն ավանդույթներն ունենալով մեր զինանոցում, պետք է նոր մտածողությամբ, նոր գիտելիքներով, ամուր կամքով ու նպատակասլացությամբ նվիրվենք Հայաստան երկրի կայացմանը, որտեղ մեր երեխաներն ապրելու են անհոգ, երջանիկ, որտեղ մեր ընտանիքներն ամեն օր զգալու են օրենքի գերիշխանության, արդարության և իրենց ապահովության պայմաններում սեփական աշխատանքով բարգավաճման անխուսափելիությունը: Կրկին շնորհավորում եմ մեզ և մեր ընտանիքներին՝ Հայաստանի ոստիկանության 102-ամյա հորեյանի առթիվ, մաղթում եմ անսասան հավատ, անմնացորդ նվիրում և հաստատական ընթացք մեր նպատակների իրականացման ճանապարհին, հաջողություններ աշխատանքում և ուսման մեջ: Եվ չմոռանա՞ք մեր կարգախոսը՝ հիմնավոր գիտելիքով դեպի արժանապատիվ ծառայություն:

Շնորհավոր:

ՀՀ ոստիկանության կրթահամալիրի պետ, ոստիկանության գեներալ-մայոր Մուշեղ Բաբայան

## ՊԱՐԳԵՎԱՏՐՈՒՄՆԵՐ՝ ՀՀ ՈՍՏԻԿԱՆՈՒԹՅԱՆ ՕՐՎԱ ԱՌԹԻՎ

Ապրիլի 16-ին ՀՀ ոստիկանության կրթահամալիրի միստերի դահլիճում պարզևատրման արարողություն էր: Ոստիկանության օրվա առթիվ իրավակարգի ամրապնդման, հասարակական կարգի պահպանության գործում ներդրած ավանդի և ծառայության ընթացքում ցուցաբերած նվիրումի համար խրախուսվեցին ոստիկանության կրթահամալիրի մի խումբ ծառայողներ: Պարգևները հանձնեց ՀՀ ոստիկանության կրթահամալիրի պետ, ոստիկանության գեներալ-մայոր Մուշեղ Բաբայանը:

Ստորև՝ խրախուսման արժանացած ծառայակիցների անունները.

\* ՀՀ ոստիկանության կրթահամալիրի ակադեմիայի օպերատիվ- հետախուզական գործունեության և քրեագիտության ամբիոնի դոցենտ, ոստիկանության փոխգնդապետ Բենիամին Զավենի Ալեքսանյանը՝ «Ոստիկանության գնդապետ» կոչումով,

\* ՀՀ ոստիկանության կրթահամալիրի քոլեջի լեզուների ամբիոնի դոցենտ, ոստիկանության գնդապետ Ռոզա Լևոնի Մուսաեյանը՝ «Օրենքի պատվար» մեդալով,

\* ՀՀ ոստիկանության կրթահամալիրի պետի տեղակալ, ինքը և տնտեսական բաժնի պետ, ոստիկանության փոխգնդապետ Գնել Սաշայի Առաքելյանը՝ ՀՀ ոստիկանության պատվոգրով, ▶ 2

# ՊԱՐԳԵՎԱՏՐՈՒՄՆԵՐ՝ ԶՅ ՈՍՏԻԿԱՆՈՒԹՅԱՆ ՕՐԿԱ ԱՌԹԻՎ



1 ◀ \*ԶՅ ոստիկանության կրթահամալիրի ակադեմիայի քրեական դատավարության ամբիոնի դոցենտ, ոստիկանության փոխգնդապետ Զասմիկ Սամվելի Սմբատյանը՝ «Ոստիկանությունում գերազանց ծառայության համար» կրծքանշանով,

\* ԶՅ ոստիկանության կրթահամալիրի ակադեմիայի քրեական իրավունքի և քրեաբանության ամբիոնի ավագ դասախոս, ոստիկանության փոխգնդապետ Զոհիպիսեն Սիերի խաչատրյանը՝ ԶՅ արդարադատության նախարարության «Շնորհակալագիր»-ով:

ԶՅ ոստիկանության պետի տեղակալ, ոստիկանության գնդապետ Տ.Եսայանի՝ 15.04.2020, թիվ 1093-Ա հրամանով հայտարարվել է «Շնորհակալություն».

\* ԶՅ ոստիկանության կրթահամալիրի ակադեմիայի մագիստրատուրայի բաժանմունքի պետ, ոստիկանության փոխգնդապետ Ռուզաննա Ներսեսի Թեմուրյանին,

\* ԶՅ ոստիկանության կրթահամալիրի ուսումնական կենտրոնի հատուկ պատրաստակալության կրթաճյուղի ավագ դասախոս, ոստիկանության փոխգնդապետ Նահրա Սամբրեի Նազարյանին,

\* ԶՅ ոստիկանության կրթահամալիրի ծառայության բաժնի կուրսի պետ, ոստիկանության մայոր Արմեն Կիմիկի Անտոնյանին,

\* ԶՅ ոստիկանության կրթահամալիրի քոլեջի ոստիկանական միջին մասնագիտական կրթության ֆակուլտետի ավագ տեսուչ, ոստիկանության մայոր Չերենցկայա Ելենա Վլադիմիրովնային:

Ոստիկանության գեներալ-մայոր Մ.Բաբայանը շնորհավորեց պարգևատրվածներին՝ մաղթելով շարունակական վերելքներ ու աշխատանքային նորանոր ձեռքբերումներ:

# ԳԻՏԱԿԱՆ ԽՈՐՀՐԴԻ ԶԵՌԱՎԱՐ ՆԻՍ

Սույն թվականի ապրիլի 6-ին հեռավար կարգով տեղի ունեցավ ԶՅ ոստիկանության կրթահամալիրի գիտական խորհրդի 2020 թվականի 3-րդ նիստը: Օրակարգի հարցերի քննարկման արդյունքում գիտական խորհուրդը որոշեց փոփոխություններ և լրացումներ կատարել դիպլոմային աշխատանքի և մագիստրոսական թեզի ընտրության, պատրաստման և պաշտպանության կարգում, ԶՅ ոստիկանության կրթահամալիրի սովորողների գիտելիքների, կարողությունների և հմտությունների գնահատման կանոնակարգում, ԶՅ ոստիկանության կրթահամալիրից սովորողների ազատման ուսումնառության ընդհատման, վերականգման և տեղափոխման կարգում, ԶՅ ոստիկանության կրթահամալիրի ակադեմիայում բակալավրի և մագիստրոսի կրթական ծրագրերով ուսումնական գործընթացի կազմակերպման կարգում, ԶՅ ոստիկանության կրթահամալիրի քոլեջի ոստիկանական միջին մասնագիտական կրթական ծրագրով ուսումնական գործընթացի կազմակերպման կարգում, ԶՅ ոստիկանության կրթահամալիրի պրոֆեսորադասախոսական անձնակազմի աշխատանքների նորմավորման կարգում, ԶՅ ոստիկանության կրթահամալիրի ռազմավարական պլանում, ԶՅ ոստիկանության կրթահամալիրի ռազմավարական պլանի գործողությունների կատարման ժամանակացույցում, հաստատեց



ԶՅ ոստիկանության կրթահամալիրի մարդկային ռեսուրսների կառավարման և աշխատանքների պլանավորման հայեցակարգը, ԶՅ ոստիկանության կրթահամալիրի գիտական խորհրդին կից՝ ստրատեգիական պլանավորման և որակի ապահովման հանձնաժողովի նոր կազմը, ինչպես նաև որոշեց միջոցառել ԶՅ ոստիկանության պետին կրթահամալիրի 3 նախկին սովորողների ուսանողական իրավունքները վերականգնելու համար:

# ԶՅ ՈՍՏԻԿԱՆՈՒԹՅՈՒՆԸ 102 ՏԱՐԵԿԱՆ Է

ԶՅ ոստիկանությունը 102 տարեկան է: Ծննդյան օրը պատեհ առիթ է արժևորելու անցած ուղին, անդրադառնալու կատարված աշխատանքներին ու հետագա անելիքներին:

Եթե բանակը պաշտպանում է դրսի վտանգներից, ապա ԶՅ ոստիկանության առաքելությունը մեր հասարակության անվտանգ ու խաղաղ համակեցության ապահովումն է, որտեղ ծառայում են բազմաթիվ հմուտ և պատասխանատու հրամանատարներ, լավ կրթված ու բանիմաց սպաներ:

Բոլորս էլ կաննում ենք մեր շուրջը տեսնել բարեկիրք և արհեստավարժ ոստիկանի, ի դեմս նրա՝ տեսնել ոչ թե մեզ պատժողի, այլ մեզ պաշտպանողի, մեր մշտաբթուն և մշտապես օգնության հասնող բարեկամի, չէ որ նրանք, օրենքը պաշտպանելով, մեզ են պաշտպանում: Այսօր քայլ առ քայլ մենք թոթափում ենք տասնամյակներով ձևավորված կարծրատիպերը ոստիկանի մասին: Երբ մեր կողմից նրանք զգում են պահանջկոտ վերաբերմունք, բայց նաև մարդկային ջերմություն, դա նրանց ավելի է պարտավորեցնում՝ կատարելագործելու իրենց մարդկային և մասնագիտական որակները: Նրանց մեջ շատ են այնպիսիք, որոնց ամուսն ու գործն ուղենիչ են բոլոր, հատկապես՝ երիտասարդ ոստիկանի համար:

Առանց ոստիկանության չկա պետություն, ինչպես և առանց պետության չկա ոստիկանություն:

Մասնագիտական պատրաստվածության խնդիրը միշտ առաջնային է եղել ոստիկանության համար: Դեռևս 1922 թվականի նոյեմբերի 12-ին միլիցիայի 1-ին դասընթացները տվեցին 1-ին շրջանավարտները, և այդ օրը տևական ժամանակ ընդունված էր որպես հայկական միլիցիայի տոն:

1923 թվականին դասընթացների հիմքի վրա բացվում է միլիցիայի հրամկազմի պատրաստման դպրոցը, իսկ 1926 թվականի աշնանը՝ տեղամասային միլիցիայի հրամկազմի պատրաստման միամյա դպրոցը:

1954 թվականին միլիցիայի Երևանի դպրոցը փակվում, ապա վերաբացվում է 1966 թվականին՝ որպես ՍՍՀՄ ԼՂԿ միլիցիայի Երևանի հատուկ դպրոց, որը գործում է մինչև 2000 թվականը:

Նոր ժամանակների շունչն զգալի էր բոլոր ոլորտներում: Որոշ չափով սկսում է կարևորվել հասարակական կարծիքը, և այդ տարիներին քայլեր էին արվում նաև միլիցիայի ծառայողի նոր կերպարի ձևավորման ուղղությամբ: Դանդաղում էին կազմակերպվում դպրոցներում, բուհերում, աշխատանքային կոլեկտիվներում: Զանրային ընկալման մեջ հյուսվում է ժողովրդական միլիցիոների կերպարը, նույնիսկ՝ բանահյուսական մակարդակով: Զայաստանում, օրինակ, պատմություններ էին շրջում միլիցիա Անդրեի անմիջական, նույնիսկ կուպիտ, բայց արդարամիտ մարդու, ժողովրդի ծոցից դուրս եկած միլիցիայի մասին:

Զայաստանի ներքին գործերի մարմինները բավական արդյունավետ էին պայքարում և՛ ավանդական հանցատեսակների, և՛ հանցավորության նոր մարտահրավերների դեմ: Զայաստանի միլիցիայի կադրային բազան լավագույններից էր երկրում, իսկ Զայաստանը օպերատիվ իրավիճակի վերահսկելիության և հանցավորության հակազդման առումով առաջատար դիրքերում էր Սովետական Միությունում, բայց խնդիրն այլ էր. Սովետական Միությունն այլևս չէր դիմանում ժամանակի քննությանը: 80-ականների վերջին Զայաստանը սովետական մյուս հանրապետությունների պես կանգնած էր լրջագույն ցնցումների և արմատական փոփոխությունների շեմին: Այդ շրջանում մեզ համար, ի թիվս գաղափարախոսական, սոցիալական, տնտեսական բարդ հիմնախնդիրների, առաջնային էին դառնալու ազգային խնդիրները: Եվ այդ ճակատագրական ժամանակներում պատմությունը կրկին անկյունաքարային դերակատարում էր վերապահելու ներքին գործերի մարմիններին:

Տասնամյակների հեռվից հրաշք է թվում հայկական միլիցիայի այդ տարիների սխրանքը. ▶ 3



1 ◀ 1915թ. ապրիլի 24-ին Ստամբուլում անհիմն ձեռքարկվեցին 200-ից ավելի հայ մտավորականներ և տարբեր ոլորտի բարձրաստիճան պաշտոնյաներ, որոնց ուղարկեցին սիրիական անապատներում հատուկ ստեղծված մահվան ճամբարներում (Մեթքենե, Դեր Զոր, Ռաբբա և այլն) մեռնելու: Դրան հետևեց հայության սովորական ճամբարները, որտեղ կազմակերպված կերպով սպանում էին հայերին ամենադաժան ձևերով, մի մասն էլ սովից ու ծարավից էր մահանում գաղթի ճանապարհին:

Այս էջը հավերժ կմնա հայ ազգի պատմության մեջ: Ցեղասպանության պատճառով հարյուրավոր երեխաներ լույս աշխարհի չէին, հարյուրավոր մարդիկ մեռան գաղթի ճանապարհին, հազարավորները թողեցին իրենց հայրենիքն ու գաղթեցին օտար երկրներ, հազարավոր աչքեր արցունքով ողողվեցին:

# ՄԵՐ ԶՄՊԻԱՅՈՂ ՎԵՐՔԸ

Ոչնչացվեց մի ամբողջ քաղաքակրթություն՝ հայ ժողովրդի զգալի մասը:

Այդ օրից անցել է 105 տարի, բայց ցավը մինչև այսօր էլ չի մեղմացել ու էլ ավելի է խորացել:

Արդի Թուրքիայի կառավարողները և թուրք ներկա սերունդը, որոնք մեզ չունեն 1915 թվականի ազգասպան ոճրի մեջ, պետք է ոչ թե ջանան թաքցնել իրենց նախորդների բարբարոսությունը, այլ մաքրեն նրանց կողմից թուրքական պատմության ճակատին խարանած մուրը, պաշտոնապես ընդունեն և հրապարակայնորեն դատապարտեն հայ ժողովրդի նկատմամբ երիտթուրքերի և քենապականների ոճրագործության փաստը մի պարզ պատճառով, որ պատմության մեջ որևէ ժողովրդի դեմ երբևէ չկրկնվի նման ոճրագործությունը:

Այս դաժան իրադարձությանը պայմանավորված՝ ապրիլի 24-ը խորհրդանշում է Զայոց ցեղասպանության հիշատակի օրը:

Ամեն տարի աշխարհի բազմաթիվ երկրներից հայության հոծ բազմություն իր հիշատակի տուրքն է մատուցում այցելելով Զայոց ցեղասպանության զոհերի հիշատակը հավերժացնող Ծիծեռնակաբերդի հուշահամալիր:

Ցավոք, այս տարի աշխարհում մոլեգնած համաճարակի պատճառով 105-րդ տարելիցի հիշատակի օրն այդ բազմաազարանոց երթը տեղի չի ունենա, սակայն բոլորս պետք է հիշենք և հարգանքի տուրք մատուցենք Զայոց ցեղասպանության հիշատակի օրվա առթիվ յուրովի՝ օգտագործելով համացանցային տիրույթը և այն հնարավոր բոլոր միջոցները, որը մեկ անգամ ևս կհիշեցնի ոճրագործների հետնորդներին, որ պետք է հաշվի նստել այդ անժխտելի իրողության հետ և արժանի կերպով փոխհատուցել:

Տիգրան խաչատրյան  
ոստիկանության ավագ լեյտենանտ



